

9/30/2019

Skýrsla um greiðslur fjarskiptafyrirtækja o.fl. vegna alþjónustu fyrir árið 2018



PÓST- OG FJARSKIPTASTOFNUN

EFNISYFIRLIT

| | |
|---|---|
| 1. Inngangur | 2 |
| 1.1. Almenn | 2 |
| 1.2. Alþjónusta | 2 |
| 1.3. Um fjárframlag vegna alþjónustu | 4 |
| 1.3.1. Álagningarprósenta jöfnunargjalds | 5 |
| 1.4. Markaðsávinningur og fl. | 5 |
| 1.5. Umsóknir um framlög vegna ársins 2018. | 5 |
| 2. Yfirlit yfir álagningu á fjarskiptafyrirtæki | 7 |
| 2.1. Yfirlit yfir álagningu, breytingar, afskriftir og innheimtu á árinu 2018. | 7 |
| 2.2. Yfirlit yfir greiðslur o.fl. | 8 |

1. Inngangur

1.1. Almennt

Til að standa straum af greiðslu fjárframlaga vegna alþjónustu er innheimt jöfnunargjald sem rennur í ríkissjóð. Ráðherra skal á grundvelli fjárheimildar í fjárlögum ákvarða fjárveitingu til jöfnunarsjóðs alþjónustu sem nemur að lágmarki áætlun fjárlaga um tekjur af jöfnunargjaldi, sbr. 22. gr. laga um fjarskipti nr. 81/2003, sbr. 29. gr. laga nr. 47/2018. (hér eftir fjarskiptalög). Í greinargerð með frumvarpinu er breytingunni lýst með eftirfarandi hætti.:

„Jöfnunargjaldi, sem greitt er í jöfnunarsjóð í vörslum Póst- og fjarskiptastofnunar, er ætlað að standa undir fjárframlögum til að tryggja alþjónustu samkvæmt ákvörðunum stofnunarinnar. Hér er lagt til að gjaldið, sem hingað til hefur runnið í jöfnunarsjóð, renni í ríkissjóð og viðkomandi verkefni verði fjármögnuð með framlagi í fjárlögum. Það leiðir af skuldbindingum Íslands samkvæmt EES-samningnum að einungis er heimilt að nýta fjármuni sem innheimtast samkvæmt þessum gjaldstofni í verkefni sem getið er í VI. kafla laga um fjarskipti. Við framkvæmd fjárlaga hvers árs ber að hafa þessar skuldbindingar í huga, en ella kann að stofnast endurgreiðslukrafa á hendur ríkissjóði, þ.e. sé gjaldinu ráðstafað úr ríkissjóði í aðra málaflokka.“

Í þeirri skýrslu sem hér birtist hefur verið tekið mið af þessum breytingum og þar sem áður fyrr hafi verið talað um jöfnunarsjóð í fyrri skýrslum Póst- og fjarskiptastofnunar (hér eftir PFS) er nú talað um ríkissjóð. Fyrir gildistöku laganna var einnig tekið mið af ákvæðum laga um opinber fjármál nr. 123/2015 og tekjur vegna álagningu jöfnunargjalds færðar í ríkissjóð í stað þess að vera færðar í jöfnunarsjóð alþjónustu.

Samkvæmt 6. mgr. 22. gr. fjarskiptalaga skal PFS birta upplýsingar um útreikning kostnaðar vegna alþjónustukvaða, sundurliðaðan lista yfir einstakar greiðslur fyrirtækja á jöfnunargjaldi í ríkissjóð og skrifa greinargerð um þann ávinning sem stofnunin telur að fjarskiptafyrirtæki sem veita alþjónustu hafi haft af því að veita þjónustuna. PFS birtir nú í tólfta sinn yfirlitsskýrslu um framlög fjarskiptafyrirtækja í ríkissjóð, ásamt yfirliti yfir þær skuldbindingar sem fallið hafa á ríkissjóð. Að þessu sinni tekur skýrslan til ársins 2018.

1.2. Alþjónusta

Við afnám einkaréttar á fjarskiptaþjónustu þann 1. janúar 1998, varð til nýtt hugtak í fjarskiptarétti svokölluð alþjónusta. Með alþjónustu er leitast við að jafna aðgang landsmanna að tiltekinni lágmarks fjarskiptaþjónustu óháð búsetu. Núgildandi reglur um alþjónustu eru í VI. kafla laga um fjarskipti nr. 81/2003 og í reglugerð um alþjónustu nr. 1356/2007.

PFS er heimilt að útnefna einn aðila eða fleiri til þess að bjóða alþjónustu á ákveðnum svæðum eða eftir þjónustutegundum.

Með 3. gr. laga nr. 72/2018 voru gerðar breytingar á 3. mgr. 19. gr. fjarskiptalaga. Með breytingunni var hugtakanotkun í tengslum við alþjónustu breytt með eftirfarandi hætti: *„Til alþjónustu telst m.a. símaþjónusta og þjónusta við öryrkja eða notendur með sérstakar samfélagslegar þarfir og gagnaflutningsþjónusta sem tryggir nothæfa internetþjónustu. Þjónustutegundir alþjónustu eru ekki bundnar tiltekinni tækni.“*

Póst- og fjarskiptastofnun skal áfram tryggja að notendur hafi aðgang að a.m.k. einni símaskrá með öllum símanúmerum og upplýsingaþjónustu um öll símanúmer. Póst- og fjarskiptastofnun er heimilt að leggja kvaðir á fjarskiptafyrirtæki um að setja upp og starfrækja almenningssíma og getur ákveðið staðsetningu þeirra.

Þessu til viðbótar er kveðið á um það í 4. gr. reglugerðar um alþjónustu nr. 1356/2007, að notendur eigi að hafa aðgang að neyðarþjónustu og svörun neyðarsímtala.

Með ákvörðunum PFS nr. 31/2013 var það niðurstaða PFS að aflétta gildandi kvöð á Já upplýsingaveitur hf. um útgáfu símarskrár og rekstur upplýsingaveitu og með ákvörðun nr. 30/2013 var það niðurstaða stofnunarinnar að ekki væri ástæða til að fella á alþjónustuskyldur í tengslum við aðgang að talsímaþjónustu, aðgang að gagnaflutningsþjónustu og reksturs almenningssíma. Í sömu ákvörðun var hins vegar viðhaldið útnefningu Mílu ehf. til að veita tengingu við almenna fjarskiptanetið. Þeirri skyldu hefur verið viðhaldið. Núgildandi ákvörðun er nr. 31/2017, „Útnefning Mílu með skyldu til að útvega tengingu við almenna fjarskiptanetið. Útnefningin gildir til 31. desember 2020 með möguleika til framlengingar til 31. desember 2022. Skyldum Mílu er lýst með eftirfarandi hætti í ákvörðunarorðum:

„1. Skylda til að útvega aðgang að tengingu

Míla ehf. skal útvega og viðhalda aðgangi að tengingu lögheimila og vinnustaða við almenna fjarskiptanetið um nettengipunkt, sbr. 1. mgr. 6. gr. reglugerðar um alþjónustu, nr. 1356/2007, sbr. 3. mgr. 19. gr., sbr. 1. mgr. 20. gr. fjarskiptalaga nr. 83/2003 og bera við það kostnað innan þeirra marka sem nemur ósanngjarnri byrði að teknu tilliti til markaðsávinninga, en þó að hámarki 650.000 kr. (án vsk.) fyrir hverja heimtaug.

Ef áætlaður kostnaður er meiri en 650.000 kr. (án vsk.) skal Míla ehf. verða við beiðnum um aðgang, ef umsækjandi samþykkir að greiða þann kostnað sem er umfram 650.000 kr., auk almenns stofngjalds samkvæmt gjaldskrá alþjónustuveitandans.

2. Landfræðileg afmörkun

Útnefningin nær til landsins alls, með þeim undantekningum sem fram koma í eftirfarandi tölulíðum.

2.1. Sveitarfélög sem tilgreind eru í ákvörðun Póst- og fjarskiptastofnunar nr. 11/2017 um afmörkun á alþjónustuskyldum Mílu ehf.

2.2 Mílu er heimilt að tilkynna Póst- og fjarskiptastofnun um að félagið beri ekki lengur skylda til að veita alþjónustu innan tiltekins sveitarfélags, ef eftirfarandi skilyrði eru uppfyllt:

- a. Hið staðbundna net í sveitarfélagi hefur a.m.k. 90% útbreiðslu til lögheimila og vinnustaða með heilsárs atvinnustarfsemi innan þess.
- b. Tengihlutfall staðfanga (lögheimili/vinnustaðir) við net Mílu ehf. innan sveitarfélagsins er komið undir 50%.

Ef Póst- og fjarskiptastofnun gerir ekki athugasemd við tilkynninguna innan tveggja mánaða frá móttöku hennar frá Mílu telst hún samþykkt.

3. Tilkynningarskylda

Ef Míla hyggst hætta að veita fjarskiptaþjónustu undir formerkjum alþjónustu ber fyrirtækinu að tilkynna viðsemjendum sínum um fyrirætlun sína með a.m.k. 6. mánaða fyrirvara, ef fyrirtækið hyggst loka aðgangnetinu í viðkomandi sveitarfélagi.

4. Útnefningartímabil

Útnefning þessi gildir frá birtingu ákvörðunar til og með 31. desember 2020. Heimilt er að framlengja útnefningartímabilið til 31. desember 2022 með tilkynningu stofnunarinnar til Mílu þar að lútandi.

5. Áskilnaður um breytingar

Póst- og fjarskiptastofnun áskilur sér rétt til að taka ákvörðunina upp á ný, ef forsendur breytast verulega, t.d. með nýrri lagasetningu og/eða breytingar á reglugerð um alþjónustu nr. 1356/2007.

Þá er enn í gildi ákvörðun PFS nr. 17/2009 um skyldu Neyðarlínunnar til að veita alþjónustu vegna aðgangs að neyðarþjónustu og svörun neyðarsímtala (neyðarsvörun) á sviði talsímabjónustu. Útnefningin gildir á meðan Neyðarlínan ohf. er með samning við dómsmálaráðuneyti um rekstur vaktstöðvar samræmdrar neyðarsvörunar, sbr. 8. gr. laga um samræmda neyðarsvörun nr. 40/2008.

1.3. Um fjárframlag vegna alþjónustu

Fjarskiptafyrirtæki sem á hafa verið lagðar alþjónustuskýldur geta sótt um framlag til PFS.

Til að standa straum af fjárframlagi til fjarskiptafyrirtækja er innheimt jöfnunargjald á bókfærða veltu fjarskiptafyrirtækja sem starfrækja fjarskiptanet eða þjónustu.

Jöfnunargjald sem skattstjórar leggja á og innheimta af fjarskiptafyrirtækjum er svokallaður veltuskattur, sbr. 22. gr. fjarskiptalaga.

Ákvæði 2. og 3. mgr. 22. gr. fjarskiptalaga kveður á um gjaldstofn jöfnunargjalds, álagningarprósentu og endurskoðunarhlutverk PFS. Ákvæðin hljóða svo:

„Skal jöfnunargjald lagt á fjarskiptafyrirtæki sem starfrækja fjarskiptanet eða þjónustu í hlutfalli við bókfærða veltu þessarar starfsemi. Með bókfærðri veltu er átt við rekstrartekjur sem fjarskiptafyrirtæki hefur af umræddri starfsemi hér á landi.

Jöfnunargjald samkvæmt lögum þessum skal nema 0,10% af bókfærði veltu skv. 2. mgr. Skal fjárförf vegna alþjónustu endurskoðuð árlega af Póst- og fjarskiptastofnun og niðurstaða þeirrar endurskoðunar ásamt tillögu um breytt gjaldhlutfall, ef þörf þykir, lögð fyrir ráðherra...“

Ofangreint ákvæði felur í sér skattlagningarheimild og skilgreinir gjaldanda, skatthlutfallið og skattstofninn. Skattstofninn er bókfærð velta, þ.e. rekstrartekjur af fjarskiptastarfsemi hér á landi.

1.3.1. Álagningarprósenta jöfnunargjalds

Á árinu 2018 var álagningarprósenta jöfnunargjalds 0,10% af bókfærðri veltu fjarskiptafyrirtækja.

Um álagningu og innheimtu, þ.m.t. fyrirframgreiðslu, jöfnunargjalds fer samkvæmt ákvæðum VII.-XIV. kafla laga nr. 90/2003, um tekjuskatt, með síðari breytingum, eftir því sem við á.

Samkvæmt 3. mgr. 22. gr. skal fjárþörf vegna alþjónustu endurskoðuð árlega af Póst- og fjarskiptastofnun og niðurstaða þeirra endurskoðunar ásamt tillögu um breytt gjaldhlutfall, ef þörf fyrir, lögð fyrir ráðherra. Engar breytingar hafa verið gerðar á álagningarprósentu jöfnunargjalds á árinu þrátt fyrir ábendingar stofnunarinnar til ráðuneytisins um að álagt gjald myndi ekki duga fyrir þeim álögum sem hvíla á sjóðnum. Að óbreyttu verður því að gera ráð fyrir að ríkissjóður komi til með að greiða það sem upp á vantar.

1.4. Markaðsávinningur og fl.

Með lögum nr. 78/2005 var 21. gr. fjarskiptalaganna breytt á þann veg að ef fjarskiptafyrirtæki telur að alþjónusta sem því er gert skylt að veita, sbr. 20. gr., sé rekin með tapi og ósanngjörn byrði á fyrirtækinu geti það sótt um til PFS að því verði með fjárframlögum tryggt eðlilegt endurgjald fyrir þá starfsemi sem um ræðir. PFS skal við útreikninga á kostnaði við alþjónustu m.a. taka mið af markaðsávinningi af því að veita þjónustuna. Í 11. gr. reglugerðar nr. 1356/2007 um alþjónustu eru settar nánari leiðbeiningar varðandi útreikning á kostnaði við alþjónustu.

Í 1. mgr. 11. gr. reglugerðarinnar er fjallað um rétt alþjónustuveitanda til að sækja um fjárframlög ef það tap sem er á þjónustunni er ósanngjörn byrði á fyrirtækinu. Þá er í 2. mgr. kveðið á um fyrir hvaða tíma þarf að vera búíð að sækja um fjárframlög og í 3. mgr. er kveðið á um hvaða upplýsingar skulu fylgja umsókn um fjárframlag.

- greinargóð lýsing á þeirri starfsemi sem sótt er um framlag fyrir.
- nákvæmar upplýsingar um hvert rekstrartapið af starfseminni er og hvernig það sundurliðast.
- greinargerð um á hvern hátt rekstrartapið er ósanngjörn byrði á fjarskiptafyrirtækinu.
- upplýsingar um hvernig bókhaldslegum aðskilnaði er háttað hjá fyrirtækinu, sbr. 6. mgr. 21. gr. fjarskiptalaga.

1.5. Umsóknir um framlög vegna ársins 2018.

Með ákvörðun PFS nr. 4/2018 var Neyðarlínunni ohf. ákvarðað framlag úr sjóðnum fyrir árið 2018 að upphæð 45.700.000 kr. ásamt því að greiða út inneign sjóðsins frá fyrra ári en umsókn Neyðarlínunnar ohf. hljóðaði upp á framlag að upphæð 69.362.508 kr. og eru þetta einu skuldbindingarnar sem féllu á sjóðinn á árinu 2018. Framlag til Neyðarlínunnar ohf. úr jöfnunarsjóði alþjónustu nam því 45.700.000 kr. ásamt inneign sjóðsins frá fyrra ári sem var 8.937.608 kr. eða samtals 54.637.608 kr.

Með ákvörðun PFS nr. 25/2018 var Mílu ákvarðað framlag vegna alþjónustuskuldna sem hvíla á fyrirtækinu. Umsókn Mílu hafði áður verið vísað frá með ákvörðun PFS nr. 8/2017. Eftir að Míla hafði uppfært umsókn sína í samræmi við leiðbeiningar

stofnunarinnar var það niðurstaða Mílu að fyrirtækið hafi á árinu 2017 rekið 103 símsstöðvar með tapi ef miðað væri við aðferðarfræði um nettókostnað.

Í ákvörðun stofnunarinnar er hins vegar miðað við að alls séu um að ræða 97 símsstöðvar þar sem telja verður að Míla myndi langlíklegast loka fyrir aðgang ef ekki væri fyrir hendi kvöð um að útvega tengingar undir merkjum alþjónustu.

Niðurstaða PFS var að tap Mílu af því að útvega tengingu við almenna talsímanetið í gegnum umræddar símsstöðvar á árinu 2017 hafi verið eftirfarandi:

| | |
|-----------------------------|------------------------|
| Beinn nettókostnaður | 121.036.950 kr. |
| -Markaðsávinningur | -52.289.967 kr. |
| =Nettókostnaður | 66.746.983 kr. |

Mat á því hvort að tapið/nettókostnaður væri ósanngjörn byrði á Mílu var tekið fyrir í sérstakri ákvörðun¹ þar sem PFS hafnaði því að tapið væri ósanngjörn byrði á félaginu í skilningi 21. gr. fjarskiptalaga.

¹ Ákvörðun PFS nr. 19/2019.

2. Yfirlit yfir álagningu á fjarskiptafyrirtæki

Neðangreindar upplýsingar eru unnar úr gögnum frá Fjársýslu ríkisins og sýna álagningu, breytingar, afskriftir, innheimtu og eftirstöðvar fyrir árið 2018.

2.1. Yfirlit yfir álagningu, breytingar, afskriftir og innheimtu á árinu 2018

Tafla 1

| Kennitala | Nafn | Eftirst. 2017 | Álagning 2018 | Breytingar | Afskriftir | Innheimta | Eftirst. 2018 |
|-------------|---------------------------------|----------------|-------------------|------------------|------------|----------------------|------------------|
| 450314-1020 | 1819 - Nýr valkostur ehf. | 0 | 213.634 | | | (213.634) | 0 |
| 480702-2390 | 365 miðlar hf. | 475.527 | 1.514.863 | | | (1.785.884) | 204.506 |
| 590269-7199 | Advania Ísland ehf. | 0 | 75.661 | | | (65.447) | 10.214 |
| 581208-0490 | Alterna Tel ehf. | 0 | 11.500 | | | | 11.500 |
| 710317-0460 | Alza ehf. | 0 | 20.492 | | | (20.492) | 0 |
| 650612-1160 | Austurhljóms ehf. | 0 | 3.450 | (792) | | (2.658) | 0 |
| 690197-3169 | Ábótinn ehf. | 0 | 16.957 | | | (16.957) | 0 |
| 540710-1120 | Backbone ehf. | 16.862 | | | | | 16.862 |
| 481188-1219 | Brinrún ehf. | 0 | 8.727 | | | (8.727) | 0 |
| 580204-3090 | BT Solutions Ltd, útibú Íslandi | 2.392 | 30.583 | | | (32.975) | 0 |
| 431115-0340 | CenturyLink Communications ehf. | 0 | 3.962 | | | (3.962) | 0 |
| 450307-1810 | Davíð og Gólfát ehf. | 49.688 | 65.190 | | | (114.878) | 0 |
| 620399-2219 | DVD-Margmiðlun ehf. | 0 | 26.271 | | | (22.725) | 3.546 |
| 690393-2989 | Eignafélag Tölvunar ehf. | 0 | 547 | | | (547) | 0 |
| 470200-2780 | Equant á Íslandi ehf. | 0 | 449 | | | (449) | 0 |
| 511203-2950 | Farice ehf. | 0 | 1.354.747 | | | (1.354.747) | 0 |
| 470714-1230 | Fjarskiptafélag Mývatnssveitar | 0 | 10.785 | | | (10.785) | 0 |
| 570114-1070 | Fjarskiptafélag Skagabyggð ehf. | 0 | 1.748 | | | (1.748) | 0 |
| 450712-0510 | Fjarskiptafélag Skeiða og Gehf | 0 | 7.309 | | | (7.309) | 0 |
| 570899-2289 | Fjölnet hf. | 0 | 48.768 | | | (48.768) | 0 |
| 551100-3240 | Furusteinn ehf. | 50.330 | 28.750 | | | | 79.080 |
| 650414-1520 | Gagnaveita Helgafellssveit ehf. | 0 | 1.295 | | | (1.295) | 0 |
| 410801-2480 | Gagnaveita Hornafjarðar ehf. | 0 | 4.645 | | | (4.645) | 0 |
| 691206-3780 | Gagnaveita Reykjavíkur ehf. | 0 | 2.139.888 | | | (2.139.888) | 0 |
| 520911-1620 | Gagnaveita Suðurlands ehf. | 0 | 31.316 | | | (31.316) | 0 |
| 580210-0150 | Gagnaveitan ehf. | 0 | 17.199 | | | (17.199) | 0 |
| 641193-2249 | Global Mission Network ehf. | 27.726 | 38.505 | | | (48.210) | 18.021 |
| 560608-2090 | GlobalCall ehf. | 0 | 87.311 | | | (72.535) | 14.776 |
| 601299-4539 | Hljóðsmárátt ehf. | 0 | 875 | | | (875) | 0 |
| 640309-0670 | Hringdu ehf. | 0 | 825.133 | | | (677.087) | 148.046 |
| 700395-2949 | Hringiðan ehf/Vortex Inc. | 0 | 116.680 | | | (116.680) | 0 |
| 530516-0320 | Húnanet ehf. | 0 | 11.926 | | | (11.926) | 0 |
| 660595-2449 | Internet á Íslandi hf. | 46.344 | 294.297 | | | (340.641) | 0 |
| 550210-0370 | Isavia ohf. | 0 | 6.296 | | | (6.296) | 0 |
| 690513-0990 | LITOUS ehf. | 0 | 14.375 | (14.375) | | | 0 |
| 680314-1010 | Líf í Mýrdal ehf. | 0 | 2.714 | | | (2.714) | 0 |
| 550609-0290 | Ljós og gagnaleiðari ehf. | 0 | 1.304 | | | (1.304) | 0 |
| 611116-0200 | Ljósfesti ehf. | 0 | 457 | | | (457) | 0 |
| 710304-3940 | Magnavík ehf. | 0 | 13.920 | | | (13.920) | 0 |
| 410305-1270 | Martölvan ehf. | 0 | 575 | (575) | | | 0 |
| 460207-1690 | Míla ehf. | 0 | 5.640.417 | | | (5.640.417) | 0 |
| 451101-2930 | Nepal hugbúnaður ehf. | 0 | 11.500 | | | (11.500) | 0 |
| 590106-0540 | Netvarp og Sport ehf. | 0 | 31 | | | (31) | 0 |
| 690416-3520 | Nordic Networks ehf. | 0 | 4.800 | | | (4.800) | 0 |
| 531205-0810 | Nova ehf. | 0 | 6.482.039 | | | (5.524.291) | 957.748 |
| 630316-3320 | Opex upplýsingatækni ehf. | 0 | 5.153 | | | (1.986) | 3.167 |
| 420103-2040 | Opin kerfi hf. | 0 | 44.182 | | | (29.455) | 14.727 |
| 561000-3520 | Orkufjarskipti hf. | 0 | 447.078 | | | (447.078) | 0 |
| 540199-2569 | Premis ehf. | 0 | 7.865 | | | (5.244) | 2.621 |
| 560305-1410 | Radíó ehf. íslensk fjarskipti | 0 | 386 | | | (386) | 0 |
| 440789-5529 | Rafey ehf. | 0 | 11.087 | | | (11.087) | 0 |
| 600307-0450 | Ríkisútvarpið ohf. | 0 | 123.030 | | | (105.694) | 17.336 |
| 470808-0550 | Símafélagið ehf. | 0 | 705.689 | | | (705.689) | 0 |
| 460207-0880 | Síminn hf. | 0 | 16.197.602 | (63.486) | | (16.134.116) | 0 |
| 430197-2319 | Snerpa ehf. | 0 | 62.471 | | | (62.471) | 0 |
| 470905-1740 | Sýn hf. | 0 | 9.073.936 | | | (7.846.928) | 1.227.008 |
| 660702-2880 | Tengir hf. | 0 | 353.737 | | | (297.364) | 56.373 |
| 610916-0230 | Tech Support á Íslandi ehf. | 0 | 12.731 | | | (12.731) | 0 |
| 591007-1140 | Thor Telecom Ísland ehf. | 0 | 14.375 | | | | 14.375 |
| 700895-2549 | TRS ehf. | 0 | 239.871 | | | (239.871) | 0 |
| 571201-2670 | TSC ehf. | 0 | 6.873 | | | (6.873) | 0 |
| 411199-2749 | Þekking - Tristan hf. | 0 | 80.175 | | | (80.175) | 0 |
| | | 668.869 | 46.578.132 | (79.228) | 0 | (44.367.867) | 2.799.906 |

2.2. Yfirlit yfir greiðslur o.fl.

Í töflu 2 er yfirlit yfir álagningu, breytingu, afskriftir, innheimtu og stöðu hvers árs:

Tafla 2

| Ár | Est. í ársb. | Álagning | Breytingar | Afskriftir | Innheimta | Est. í árslok |
|-----------|--------------|-------------|--------------|------------|---------------|---------------|
| Árið 2000 | | 13.931.078 | | | (9.818.302) | 4.112.776 |
| Árið 2001 | 4.112.776 | 14.860.992 | | | (6.596.238) | 12.377.530 |
| Árið 2002 | 12.377.530 | 52.479.301 | (5.489.029) | (66) | (40.900.639) | 18.467.097 |
| Árið 2003 | 18.467.097 | 51.436.749 | (54.338.594) | (138.000) | (9.211.753) | 6.215.499 |
| Árið 2004 | 6.215.499 | 32.123.869 | (12.465.059) | (690) | (25.330.489) | 543.130 |
| Árið 2005 | 543.130 | 30.906.483 | (2.282.680) | | (19.037.593) | 10.129.340 |
| Árið 2006 | 10.129.340 | 30.791.689 | (9.715.385) | | (27.661.746) | 3.543.898 |
| Árið 2007 | 3.543.898 | 24.179.956 | (10.805.553) | | (16.338.390) | 579.911 |
| Árið 2008 | 579.911 | 38.854.117 | 9.746.550 | | (48.466.272) | 714.306 |
| Árið 2009 | 714.306 | 259.543.168 | (1.067.437) | (28.350) | (253.612.549) | 5.549.138 |
| Árið 2010 | 5.549.138 | 43.943.176 | 17.231.410 | (3.360) | (46.584.109) | 20.136.255 |
| Árið 2011 | 20.136.255 | 39.219.961 | (15.473) | (10.411) | (59.244.277) | 86.055 |
| Árið 2012 | 86.055 | 42.055.975 | 3.898.098 | (4.440) | (45.570.932) | 464.756 |
| Árið 2013 | 464.756 | 44.427.855 | (258.650) | (24.671) | (44.345.968) | 263.322 |
| Árið 2014 | 263.322 | 45.374.312 | 181.807 | (35.363) | (45.144.628) | 639.450 |
| Árið 2015 | 639.450 | 46.534.916 | 3.920 | (27.151) | (46.635.676) | 515.459 |
| Árið 2016 | 515.459 | 47.168.921 | (12) | | (47.024.812) | 659.556 |
| Árið 2017 | 659.556 | 46.998.506 | (857.361) | (66.958) | (46.064.874) | 668.869 |
| Árið 2018 | 668.869 | 46.578.132 | (79.228) | | (44.367.867) | 2.799.906 |
| | | 951.409.156 | (66.312.676) | (339.460) | (881.957.114) | |

Samþykkt framlög hafa verið eftirfarandi síðustu 19 árin samkvæmt gögnum PFS. Neyðarlínan hefur fengið meginhluta framlagsins vegna reksturs neyðarþjónustu en Síminn hefur einu sinni fengið framlag.

Tafla 3

| Ár | Framlög |
|----------------|-------------|
| Árið 2000..... | 18.618.302 |
| Árið 2001..... | 20.496.000 |
| Árið 2002..... | 20.496.000 |
| Árið 2003..... | 23.889.600 |
| Árið 2004..... | 26.735.628 |
| Árið 2005..... | 25.440.000 |
| Árið 2006..... | 25.440.000 |
| Árið 2007..... | 192.921.277 |
| Árið 2008..... | 30.100.000 |
| Árið 2009..... | 33.371.618 |
| Árið 2010..... | 38.230.601 |
| Árið 2011..... | 41.900.000 |
| Árið 2012..... | 46.313.868 |
| Árið 2013..... | 55.802.000 |
| Árið 2014..... | 55.959.000 |
| Árið 2015..... | 58.980.000 |
| Árið 2016..... | 59.488.798 |
| Árið 2017..... | 64.763.629 |
| Árið 2018..... | 69.362.508 |
| | 908.308.829 |

Á árinu 2017 eins og fram kemur í kafla I varð sú breyting að jöfnunarsjóður var lagður niður sem sérgreindur sjóður. Eftir breytinguna rennur álagt jöfnunargjald á fjarskiptafyrirtæki nú beint í ríkissjóð en á móti er gert ráð fyrir að ríkissjóður greiði þann kostnað sem til fellur vegna alþjónustu sem nemur að lágmarki áætlun fjárlaga um tekjur af jöfnunargjaldi.

Samkvæmt ársreikningi fyrir árið 2018, sem er annað árið sem hinar nýju reglur eru í gildi, voru tekjur skv. framlagi ríkissjóðs 45,7 millj. kr. og framlög og tilfærslur 54,6 millj. kr. og því varð afkoma ársins neikvæð um 8,9 millj. kr. Samkvæmt efnahagsreikningi er hrein eign 0 millj. kr. og eignir námu samtals 8,9 millj. kr.